

На утрени:

На Бог Господь: тропарь праздника глас 4:

Днесь спасения нашего главизна,/ и еже от века таинства явлéние:/
Сын Божий Сын Девы бывáет,/ и Гавриил благодать
благовествует,/ темже и мы с ним Богородице возопиим:/ Рáдуйся,
Благодáтная, // Господь с Тобóю. **Трижды.**

Величание:

Архангельский глас вопием Ти. Чистая: Рáдуйся, Благодáтная – Господь,
Господь с Тобóю.

Избранный псалом:

Боже, суд Твой Царéви даждь/ и правду твою Сыну Царéву,/ судити людем
Твоим в правде/ и нищим Твоим в судé./ Сúдит нищим людским и спасёт
сыны убогих./ **Благовестите** день от дне спасéние Бога нашего,/ **Господь** даст
глагол благовествующим силою мно́гою./ **КлятсЯ** Господь Давиду и́стиною и
не отвéржется ея./ **От** плодá чрэва Твоегó посаждú на престóле Твоём./
Снидет, яко дождь на руно́, и яко кáпля, кáплющая на зéмлю./ **И** приклонí
Небесá, и сниде, и мрак под ногáма Егó./ **Яко** избрá Господь Сиóна, изволи
егó в жилище Себé./ **Освятíл** есть селéние Свое Вы́шний./ **Бог** посреде́ его, и
не подви́жится./ **Пощадíт** нища и убо́га и дúши убогих спасёт./ **Вси** языцы
порабóтают Емú./ **Весь** день благословя́т Егó./ **Бúдет** утвержéние на землí, на
версéх гор./ **Бúдет** Имя Егó благословéно во веки./ **И** благословя́тся в Нем
вся колéна земнáя./ **Благословéн** Господь Бог Изрáилев, творя́й чудесá
Едíн./ **И** благословéно Имя слáвы Егó в век и в век века./ **И** исполнится
слáвы Егó вся земля, буди, буди.

Слава, и ныне. Аллилуия: **Трижды. Таже степенна, 1-й антифон 4го гласа.**

Прокимен, глас 4: Благовестите день от дне спасения Бога нашего.

Стих: Воспойте Господеви песнь нову, воспойте Господеви, вся земля.

Всякое дыхание: Евангелие от Луки, зачало 4.

По 50-м псалме стихира, глас 2. Самогласна:

Благовестует Гавриил Благодáтней днесь:/ Рáдуйся, Невестная Мати, и
Неискусобráчная,/ не удивля́йся странному моему зрáку,/ не ужасайся,
Архáнгел бо есмь./ Змий прельсти Еву иногдá:/ ны́не же благовествую Тебе
рáдость,/ и пребúдеши нетлénна, // и родиши Господа, Пречíстая.